



Verwysing: 20210713-4350
Lêerno.: 13/7/1/2
Navrae: M Combrink

Assesseringsbestuursminuut: 0009/2021

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulumondersteuning, Hoofde: Bestuur en Beheer, Vakadviseurs, Kringbestuurders, Adjunk-hoofonderwyskundiges en Hoofde van inrigtings wat kandidate vir die Nasionale Senior Sertifikaat-eksamens voorberei

Onderwerp: November 2021 Nasionale Senior Sertifikaat-eksamens: Prosedures en riglyne vir die afneem van die finale praktiese eksamens vir Ontwerp en Visuele Kunste

1. Die Departement van Basiese Onderwys (DBO) wil graag u aandag vestig op die prosedures wat gevolg moet word tydens die afneem van die finale praktiese eksamens vir Ontwerp en Visuele Kunste.
2. Die 2021 finale praktiese eksamenvraestelle vir Ontwerp en Visuele Kunste (Ontwerp Vraestel 2 en Visuele Kunste Vraestel 2) sal uit die volgende twee afdelings bestaan:
 - Afdeling A: Bronboek of Werkboek, en
 - Afdeling B: Die Kunswerk of Produk.
3. Skole en kunssentrums moet asseblief seker maak dat alle kandidate wat Ontwerp en/of Visuele Kunste aanbied, die vraestelle op die allerlaatste teen **Vrydag, 30 Julie 2021** ontvang. Dit sal kandidate in staat stel om die inligting in Afdeling A van die vraestel te vind. By ontvangs van die vraestel moet kandidate 'n register teken.
4. Gedurende die laaste drie weke van Kwartaal 3 moet kandidate voldoende navorsing afhandel en alle geskikte materiaal vir Afdeling A van die eksamenvraestel versamel. Afdeling A kan óf tydens onderrigtyd óf na-ure uitgevoer word.
5. Afdeling A van die praktiese eksamen moet voor die aanvang van Afdeling B van die praktiese eksamen afgehandel word.

6. Afdeling B moet teen **Vrydag, 22 Oktober 2021** afgehandel wees.
7. Afdeling B van die praktiese eksamen moet onder eksamenomstandighede in die eksamenlokaal en gedurende gewone onderrigtyd voltooi word, en nie na-ure of oor naweke nie. Daar word voorgestel dat bloksessies van vier tot ses uur oor 'n aantal dae gereël word totdat alle kandidate hulle kunswerk of produk afgehandel het, of die toegekende 24 uur verstryk het. Interne reëlings moet by elke skool of sentrum getref word om voorsiening te maak vir die tegniese aktiwiteite wat deur die spesifieke kunsdissipline, soos byvoorbeeld keramiek, benodig mag word.
8. Streng toesig **moet** deur die onderwyser vir Ontwerp en/of Visuele Kunste **en** 'n toesighouer tydens die afneem van die eksamen uitgeoefen word.
9. Kandidate **mag nie** alleen gelaat word terwyl hulle aan Afdeling B werk **nie**, en **word ook nie toegelaat** om onvoltooide kunswerke of produkte huis toe te neem **nie**. Alle onvoltooide kunswerke of praktiese projekte moet tot die volgende sessie op die rooster by die skool gehou word.
10. Alle skole en sentrums wat Ontwerp en/of Visuele Kunste aanbied, word versoek om hulle roosters vir die afneem van Afdeling B voor of op **Dinsdag, 10 Augustus 2021** aan die Senior Kurrikulumbepanner vir Ontwerp en Visuele Kunste per e-pos te stuur na Ellene.Louw@westerncape.gov.za. Die Senior Kurrikulumbepanner moet die roosters vir moniteringsdoeleindes konsolideer.
11. Die Wes-Kaap Onderwysdepartement (WKOD) en DBO sal die afneem van hierdie praktiese eksamens monitor. Die rooster vir die monitering van hierdie praktiese eksamens, gebaseer op die roosters wat deur die skole en sentrums ingedien is, sal ook aan die DBO en Umalusi voorgelê word.
12. Die WKOD sal datums vir nasien en moderering reël om seker te maak dat alle praktiese werk teen **Vrydag, 19 November 2021** nagesien en gemodereer is.
13. Verdere navrae oor die afneem van die finale praktiese eksamens vir Ontwerp en Visuele Kunste kan aan me. Ellené Louw per e-pos gerig word by Ellene.Louw@westerncape.gov.za.
14. U samewerking in hierdie verband sal baie waardeer word.

GETEKEN: H MAHOMED

WAARNEMENDE ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2021-07-21